



ИНД-106

Иргэний Нисэхийн Багц Дүрэм

Ханг-глайдерын үйл ажиллагааны дүрэм

Иргэний нисэхийн ерөнхий газар

ДҮРМИЙН ТАЙЛБАР

ИНД-106 нь дараах шаардлагыг тогтооно:

- ИНД-91 дээр нэмж, ханг-глайдерын үйл ажиллагааны;
- ИНД-91-д үл хамаарах ханг-глайдерын үйл ажиллагааны.

Энэ Дүрэм нь Иргэний нисэхийн асуудал эрхэлсэн Засгийн газрын гишүүний баталсан ИНД-106-ийн цахим хувилбар бөгөөд зөвхөн ишлэл хийх зорилгоор хэрэглэнэ. Хүчин төгөлдөр ИНД-106, түүний нэмэлт, өөрчлөлтийн хуулбарыг ИНЕГ-аас, эсхүл www.mcaa.gov.mn веб сайтаас татаж авах боломжтой.

Мэдээлэл

Гишүүн улсуудын иргэний нисэхийн Дүрмийг сайжруулах замаар иргэний нисэхийн салбарт нэгдсэн нэг Дүрмийн зохицуулалтад шилжих Олон улсын иргэний нисэхийн байгууллагын 1992 оны 29-р чуулганы А29-3 тогтоолыг хэрэгжүүлэх зорилгоор, Монгол Улс болон Шинэ Зеланд улсын ИНЕГ-ын хооронд 1999 оны 5 дугаар сарын 6-нд байгуулсан “Техникийн Хамтын Ажиллагааны Санамж Бичиг”-ийг үндэслэн Монгол Улсын Иргэний нисэхийн энэхүү багц Дүрмийг боловсруулсан.

Өөрчлөлтийн түүх**Хүчин төгөлдөр огноо**

Анхны боловсруулалт

2002 оны 12 сарын 01

Нэмэлт, өөрчлөлт 1

2010 оны 05 сарын 01

Нэмэлт, өөрчлөлт 2 (Шинэчлэлт)

2018 оны ... сарын ...

Тэмдэглэл: ИНД-106-ийн шинэчлэлтийг англи болон монгол хэл дээр, NZ Part 106 А.3-д үндэслэн боловсруулсан болно.

Гарчиг

А Бүлэг — Ерөнхий зүйл	5
106.1. Хамрах хүрээ.....	5
106.3. Тодорхойлолт.....	5
106.5. Нисгэгчид тавих шаардлага	5
106.7. Агаарын хөлгийн нислэгт тэнцэх чадвар.....	5
106.9. Бүртгэл	5
106.11. Агаарын хөлгийн баримт бичиг.....	6
106.13. Түлшний шаардлага	6
106.15. Агаарын хөлгийн тоног төхөөрөмж	6
106.17. Агаарын хөлгийн техник үйлчилгээ	6
106.19. Аюулгүй байдлын тоног төхөөрөмж.....	6
В Бүлэг — Нислэгийн дүрэм	6
106.51. Замын давуу эрхийн дүрэм	6
106.53. Үүлнээс барих зай.....	7
106.55. Минимум түвшин.....	7
106.57. Нислэг үйлдэх нөхцөл	7
106.59. Хөөрөх талбай.....	7
106.61. Аяллын түвшин	7
106.63. Аэробатик нислэг	7
106.65. Дуудлага	7
106.67. Ханг-глайдерыг нислэгт чирэх	7

А Бүлэг — Ерөнхий зүйл

106.1. Хамрах хүрээ

Энэ Дүрэм нь дараах шаардлагыг тогтооно:

- (1) ИНД-91-дээр нэмж, ханг-глайдерын үйл ажиллагааны;
- (2) ИНД-91-д үл хамаарах ханг-глайдерын үйл ажиллагааны.

106.3. Тодорхойлолт

Энэ Дүрэмд:

Гэрчилгээ гэж энэ Дүрмээр шаардсан ажилтны мэргэжлийн ур чадвартай холбоотойгоор, тухайн зорилгоор Даргын шилжүүлсэн эрх эзэмшигчийн олгосон гэрчилгээ, эсхүл зэрэглэлийг хэлнэ.

106.5. Нисгэгчид тавих шаардлага

(a) Ханг-глайдерын нисгэгч нь:

- (1) ханг-глайдерын байгууллагын жинхэнэ гишүүн байх;
- (2) ханг-глайдерын нисгэгчийн зохих гэрчилгээтэй байх;
- (3) нисгэгчийн гэрчилгээний болон аливаа холбогдох зэрэглэлийн эрх, хязгаарлалтыг мөрдөх;
- (4) тухайн ханг-глайдерын байгууллагын үйл ажиллагааны стандарт болон журмыг мөрдөх үүрэгтэй.

(b) Энэ зүйлийн (a)(2)-т заасныг үл харгалзан, ханг-глайдерын нисгэгчийн зохих гэрчилгээгүй этгээд нь энэ зүйлийн (a)(1)-д дурьдсан ханг-глайдерын байгууллагаас олгосон ханг-глайдерын багшийн гэрчилгээ эзэмшигчийн шууд хяналтад ханг-глайдераар үйл ажиллагаа эрхэлж болно.

106.7. Агаарын хөлгийн нислэгт тэнцэх чадвар

ИНД-91.101(a)(1)(i)-ийн шаардлага нь ханг-глайдераар үйл ажиллагаа эрхэлж буй этгээдэд хамаарахгүй.

106.9. Бүртгэл

(a) ИНД-91.107-ын шаардлага нь ханг-глайдераар үйл ажиллагаа эрхэлж буй этгээдэд хамаарахгүй.

(b) Нисгэгч нь дараахаас бусад тохиолдолд ханг-глайдераар үйл ажиллагаа эрхлэхгүй, тухайн ханг-глайдер нь:

- (1) нисэх клубээс зөвшөөрсөн журмын дагуу ханг-глайдерын байгууллагад бүртгэгдсэн байх;
- (2) ханг-глайдерын байгууллагын нисэх клубын гэрчилгээнд зөвшөөрсөн журмын дагуу дараах байдлаар танигддаг байх:

- (i) ханг-глайдерын таних тэмдгээр; эсхүл
- (ii) нисгэгчийн хувийн дугаараар.

106.11. Агаарын хөлгийн баримт бичиг

ИНД-91.109 болон 91.111-ийн шаардлага нь ханг-глайдераар нислэг үйлдэж буй этгээдэд хамаарахгүй.

106.13. Түлшний шаардлага

ИНД-91.305-ын шаардлага нь ханг-глайдераар нислэг үйлдэж буй этгээдэд хамаарахгүй.

106.15. Агаарын хөлгийн тоног төхөөрөмж

(a) ИНД-91-ийн F Бүлгийн шаардлага нь ханг-глайдераар үйл ажиллагаа эрхэлж буй этгээдэд хамаарахгүй.

(b) Ханг-глайдераар үйл ажиллагаа эрхэлж буй аливаа этгээд нь тухайн ханг-глайдерыг 30м (100ft)-ийн нарийвчлалтай, газраас дээш өндөр заах өндөр хэмжигчээр тоногловсон байна.

106.17 Агаарын хөлгийн техник үйлчилгээ

(a) ИНД-91-ийн G Бүлгийн шаардлага нь ханг-глайдераар үйл ажиллагаа эрхэлж буй этгээдэд хамаарахгүй.

(b) Ханг-глайдераар үйл ажиллагаа эрхэлж буй аливаа этгээд, тухайн ханг-глайдер нь тухайн байгууллагын гэрчилгээнд зөвшөөрсөн журмын дагуу ханг-глайдерын байгууллагын олгосон хүчинтэй тохирлын баталгаатай (warrant of fitness) болохыг бататгана.

106.19. Аюулгүй байдлын тоног төхөөрөмж

Ханг-глайдерын нисгэгч болон зорчигч бүр нь дараах хэрэгсэлтэй байна:

- (1) ханг-глайдерын байгууллагын стандартад нийцсэн хамгаалалтын хатуу дуулга;
- (2) ханг-глайдерын байгууллагын стандартад нийцсэн маягийн бэхэлгээ.

В Бүлэг — Нислэгийн дүрэм

106.51. Замын давуу эрхийн дүрэм

(a) ИНД-91.229(b)-д заасныг үл харгалзан, өндөрлөгөөс халин нисэж (soaring ridge) байгаа ханг-глайдерын нисгэгчийг, тухайн ханг-глайдерын баруун гар талд өндөрлөг байгаа бол, түүний эгц урдаас өөр ханг-глайдер ойртох үед баруун тийш эргэхийг шаардахгүй.

(b) ИНД-91.229(d)-д заасныг үл харгалзан, өндөрлөгөөс халин нисэж байгаа ханг-глайдерыг гүйцэж түрүүлэх ханг-глайдерын нисгэгч нь гүйцэгдэж байгаа ханг-глайдерыг өндөрлөгтэй талаар нь гүйцэж түрүүлнэ.

106.53. Үүлнээс барих зай

ИНД-91.301(a)(2)-т заасныг үл харгалзан, аливаа этгээд нь дараах нөхцөлд, ханг-глайдераар далайн дундаж түвшнээс дээш 3300 м (11 000 ft) максимум түвшин хүртэл, үүлнээс доош 150м (500 ft)-ээс хол зайтай ниснэ:

- (1) G ангиллын агаарын зайд; эсхүл
- (2) E ангиллын агаарын зайд (транспондер-шаардсан агаарын зайнаас бусад).

106.55. Минимум түвшин

ИНД-91.311(a)(3)-т заасныг үл харгалзан, хэрэв тухайн нислэг нь газар дээрх хүн, эсхүл өмч хөрөнгөнд аюул учруулахааргүй бол, аливаа этгээд нь ханг-глайдераар 150 м (500 ft)-ээс нам өндөрт, өндөрлөгөөс халин нисэж (ridge soaring) болно.

106.57. Нислэг үйлдэх нөхцөл

Аливаа этгээд нь ханг-глайдераар шөнөөр нислэг үйлдэхгүй.

106.59. Хөөрөх талбай

Ханг-глайдерын нисгэгч бүр нь зөвхөн ханг-глайдерын байгууллагаас зөвшөөрсөн хөөрөх талбайгаас хөөрөлт үйлдэнэ.

106.61. Аяллын түвшин

ИНД-91.313(a)(1) болон ИНД-91.239(a)-ийн шаардлага нь ханг-глайдераар нислэг үйлдэж буй этгээдэд хамаарахгүй.

106.63. Аэробатик нислэг

ИНД-91.701(b) болон (c)-ийн шаардлага нь ханг-глайдераар нислэг үйлдэж байгаа этгээдэд хамаарахгүй.

106.65. Дуудлага

Ханг-глайдерын нисгэгч бүр нь НХҮ-ний нэгжтэй хоёр талын радио холбооны төхөөрөмжөөр холбоо барихдаа өөрийн хувийн дугаарыг хэрэглэнэ.

106.67. Ханг-глайдерыг нислэгт чирэх

Микролайт агаарын хөлгийн нисгэгчээс бусад этгээдэд, ханг-глайдерыг нислэгт чирэхийг хориглоно.

--oOo--